

Samostalni istraživački rad – Historija države BiH.

Samostalni istraživački rad iz predmeta Historija države BiH nosi 10 od ukupno 100 bodova na predmetu. Radi se o opcionom zadatku – studenti koji ne žele raditi rad, nisu ga dužni prijaviti.

Prijave se vrše putem maila: t.herenda@pfsa.unsa.ba. **Rok za prijavu seminarskog rada je 18.10.2024.** Prijava sadrži ime i prezime studenta/ice, i odabir teme. Nastavno osoblje zadržava pravo kandidatima dodijeliti drugu temu od one koja im je dodijeljena, ukoliko procjeni da za time postoji potreba.

Teme za samostalni istraživački rad za akademsku 2024/2025. godinu su:

1) „Pokret Huseina kapetana Gradašćevića – zaštita privilegija ili nacionalni pokret?“ Pobuna Huseina kapetana Gradašćevića 1831/1832 godine je predmet različitih interpretacija i ocjena. Pitanje o kom i dalje postoje debate, pogotovo u široj javnosti, jeste pitanje da li je pobuna bila pokret za zaštitu privilegija kapetana i ajana od reformi, ili je u pitanju bio nacionalni pokret?

Zadatak kandidata je da samostalno analiziraju dva izvora (koja će biti uploadovana na web stranicu fakulteta) a koja nude različite odgovore na gornje pitanje. Kandidati su potom dužni da sumiraju i evaluiraju argumente (u dvije stranice teksta), potom da daju samostalni odgovor na gornje pitanje, uz prethodnu elaboraciju (1 stranica teksta). Očekuje se da u ovom dijelu rada kandidati konsultuju još najmanje dva dodatna izvora, koja samostalno pronalaze.

Izvori literature koje je potrebno konsultovati su:

- Fatma Sel Turhan. "The Rebellious Kapudan of Bosnia: Hüseyin Kapudan (1802-1834)". Osmanlı Araştırmaları - The Journal of Ottoman Studies, 44.44 (2014): 457-474

- Ahmed Aličić, Pokret za autonomiju Bosne od 1831. do 1832. godine / Movement for the Autonomy of Bosnia 1831/32 /. – Orijentalni institut, Sarajevo 1996, 174-215

2) Jugoslavija – (ne)moguća država – Zadatak kandidata koji odaberu ovu temu jeste da samostalno istraže pitanje postojanja i funkcionisanja Jugoslavije iz sljedećih uglova 1) pitanje federalizma 2) pitanje nacionalizma 3) pitanje ekonomskog uređenja. Od kandidata se očekuje da zauzme jedan od dva stava implicirana u naslovu teme.

Literatura koja se preporučuje kao početna tačka za istraživanje ovog pitanja jeste:

- Grupa autora, Historija Bosne i Hercegovine, Institut za Historiju Univerziteta u Sarajevu, 2023, odlomci koji se odnose na period 1918-1991

- Ivo Banac, Nacionalno pitanje u Jugoslaviji : porijeklo, povijest, politika Zagreb. Durieux, 1995

- Janine Marie Calic, History of Yugoslavia, Purdue University Press, 2018

Tehničke propozicije:

Samostalni istraživački rad iznosi ukupno 3 stranice, od čega maksimalno ½ stranice može biti izdvojeno za uvod i zaključak, odnosno 2,5 stranice odnose se na meritorna razmatranja/razradu teme.

Font: Times New Roman, 12 pt.

Spacing/prored: 1,15

Margine: normal (2,54 cm)

Reference/navođenje izvora: u fusnotama, veličina fonta 10. Stil citiranja, Chicago Manual of Style (vidi više na: <https://www.citationmachine.net/chicago>)

Kandidati su obavezni citirati svako preuzimanje tuđih ideja, koncepata ili podataka. Nisu dužni navoditi reference/citirati ukoliko se radi o podacima koji spadaju pod opće znanje ili dobro ustanovljene teorije i koncepte.

Prilikom korištenja izvora vodite računa o tome da Vaši izvori trebaju biti autoritativni, tj. osoba/osobe koje stoje iza određenog izvora trebaju biti prepoznati autoriteti u datoj oblasti. Anonimizirani izvori (kao npr. Wikipedia) nisu relevantni za ovaj rad. U izvore se neće ubrajati fakultetski udžbenici.

Kriteriji za bodovanje:

Jezik i stil, kvaliteta argumenata, kvalitet izvora: 0-4 boda

Tehničke propozicije: 0-2 boda. Eventualna značajnija kršenja tehničkih propozicija mogu biti sankcionisana oduzimanjem bodova iz drugih rubrika.

Odbrana rada/razgovor o radu: 0-4 boda. Ukoliko se tokom odbrane ustanovi da kandidat_kinja ne vlada temom, to može rezultirati oduzimanjem bodova iz drugih rubrika. Prilikom rada očekuje se da kandidat_kinja vlada svim navodima iz svog rada (odbrani pristupate bez štampanog primjerka), kao i informacijama o tom periodu koje se mogu smatrati za opće znanje o tom periodu.

Ukoliko prilikom pregledanja rada ili usmene odbrane bude ustanovljeno da je rad plagiran,¹ kandidat_kinja ostvaruje 0 bodova.

Pored redovnih konsultacija generalne prirode na koje kandidati_kinje imaju pravo, kandidati_kinje imaju pravo poslati **do 1 stranicu teksta na uvid i pregled, do 01.11**, popraćenu sa manjim brojem konkretnih upita/molbi za razjašnjenjem.

Krajnji rok za dostavu završenog samostalnog istraživačkog rada je 07.11.2024, u 00:00 (do kraja dana). Rad dostavljate ISKLJUČIVO kao word file (doc ili docx).

¹ Plagijarizam predstavlja korištenje tuđih riječi, ideja ili djela bez odgovarajuće pripisivanja/referiranja, pri čemu se te tuđe sadržaje predstavlja kao vlastite. To uključuje kopiranje i lijepljenje teksta iz izvora bez izmjena, parafraziranje bez citiranja, te bilo kakvo drugo predstavljanje tuđeg rada kao vlastitog.